

UDIN

Joibe ai 13 di Setembar 2018

795. COMPLEAN DE CITÂT

PASSÂTS 100 AGNS DI CHÈ GRANDE VUERE TRA FRADIS 1914-1918

**18. fieste su intent di popul pal inovâl di fondazion urbane
de Capitâl de Furlanie Storiche,**

localitât di lidris preistorichis cun liendis di çocje venetiche, sitiche, iliriche, celtiche, cimbre, latine, une, langobarde e austriache, promovude borc citadin cul marcjât dal patriarcje di Aquilee di gjenie bavarese Bertolt di Andechs ai 13 di Setembar 1223 e po daspò destinade, par volê di un altri patriarcje, il vuascon Beltram di Saint Geniès, di capitâl ultime di chê prime Mittel-Europe unide che al jere il Patriarcjât aquileiês di une volte e par cûr e bastion di culture civiche, di democrazie e partecipazion, di ospitalitât e di ribalton cuntri di invasôrs e despotis di ogni ete. Une bandiere di civiltât temperade cun ardiment sui spalts de piçule e de grande Storie su la crosere dal Continent Vieri!



↑ "Maria Fortitudo", anime di Udin sostent e bastion

Une cunvigne anuâl inviulade dal moviment civic culturâl alpin-adriatic dal Fogolâr Civic sot capemagne morâl dal Renc populâr di Udin in bieles cumbine cu lis miôr fradais de citât e ancje ben in graciis dal bon acet rignuvît in glesie a Sant Jacum, parochie chê de Nunziade che al sarès il Domo, e de tradizional benvignude presince di valits rapresentants dal Comun di Udin, dal Cuarp dai Pompîrs e de plui ferbint societât civil e culturâl de vile...

**PROGRAM****in Place Sant Jacum o des Jerbis***...il moment tradizional religjôs...***Aes 11, in glesie a Sant Jacum,**

capele dal marcjât che di chel al ven fûr l'atuâl centri urban udinês:

SANTE MESSE PAL 795. COMPLEAN DE CITÂT

cun preieris tes lenghis storichis dal confin furlan, che a son 100 agns che e je finide chê Prime Vuere Mondial che Udin al à vude juste la venture di sei la sô "capitâl" taliane e che e varès tornât a dâ dongje la Furlanetât e il Stival cul disfâ tant e tant la union di une Mittel-Europe fie spirituâl di Mari Aquilee.

In finâl, par rispiet de int strussiade di chê vuere tremende tra fradis, si butisi a cjantâ il famôs *imni* dai tims

"STELUTIS ALPINIS"

di Arturo Zardini...

...il moment secolâr modernî...

Subit daûr, tor **misdi**, ali dal poç batiât par **"Ferâl di Diogjin"**, rimant ae culture ateniene, mari di democrazie in Europe e farie di civiltât:

PRESINT PAR UDIN "ATENIS DAL FRIÛL"

capitâl regionâl storiche di civiche partecipazion e centrâl culturâl dal teritori, che si met jù un dôs rosis di dediche e si pant l'avîs di clamade prossime dal **RENC**, samblee grande di popul pastanade sù dal Patriarcje Beltram tal 1340 e rionzude tal 2015 daûr propueste dal Fogolâr Civic...

Plaits e convenevui des civichis rapresentancis tiradis dongje, cun memoriâl dai **40 agns de Universitât dai Studis di Udin...**

Tor **misdi** e **mieç**, alî de colone che i disin **"Pinacul di Marcjât Gnûf"**, simbul in struc di chê identitât civiche udinese su stampis di *"forum"* e *"castrum"*:

PRESINT PAR UDIN "AQUILEE GNOVE"

place e fuartece che e cjale al mont tal cûr furlan de Mittel-Europe che si met jù un dôs rosis par memoreâ ducj chei dai borcs stories che no son plui, riviodint une usance passade dal Cuarp dai Pompîrs, la fuarce civil plui antighe de Furlanie.

In ultin, si butisi a cjantâ l'imni populâr de citât

"OH CE BIEL CJJSCJEL A UDIN"...